

欽定四庫全書

子部

普濟方卷三百九十四



南京中醫藥大學圖書館版權所有

編修臣倉聖脈覆勘

大正西華大藥房

普濟方卷三百九十四

周王朱楠 撰

嬰孩吐瀉

總論

大小兒吐瀉因傷風冷或傷暑熱或兒啼未定氣息未
 定以乳乳之逆於上則停胸膈致令嘔吐氣逆於下則
 傷腸胃致令泄瀉上下氣逆俱作若只吐不瀉者

逆其吐必有痰發者一經一生若只瀉不吐或吐瀉

俱發者日久不退亦變陰癰治之當斷其乳輕者週時
重者三日須與稀粥服藥速効十全八九或者不信是
言小兒以乳妳為本慮其嘔煎不肯暫斷殊不知因乳
所傷致令此病若以所傷乳乳之如抱薪救火藥何功
之有不然則誠難以安痊其間不斷乳服藥得安者蓋
輕患也亦有因輕致重天橫者多矣 凡小兒初吐發
驚者尚可救治以玉散子青金丹不退珍珠丸急下之
次與神寶丹若唇紅焦者琥珀散蓋內熱故也不退必

死又云吐妳不止大便不通面黑氣喘必死不治凡權
斷乳候吐瀉定捨去乳少少與之使不再作凡吐瀉服
藥須要令飢如服了不得便喫物喫乳則引吐再為害
也凡小兒暑月吐瀉冷熱輕重各有治法不可槩用如
吐瀉身熱煩渴心慄大便黃沫小便赤少暑瀉也黃龍
九甘露散白虎湯香薷湯五苓散杏仁九有傷食者必
吐瀉酸臭妙九子下之次益黃散二者不退如小便通
利大便白色腸鳴吐瀉多渴少食附香九參朮附散朮

附膏半硫丸神寶丹防驚其間有糞白腥臭油膩便成
疳瀉有久成疳瀉者亦有治法 小兒泄瀉傷積而作
瀉者初以補藥治不止之時須當下去其積積下其瀉
自止下之宜與小沉香煎丸理虛中積甚良多與服之
或以小塌氣丸又不下更與三棱煎服切不可意轉
藥恐成滌蕩矣積滯已下與服調胃溫脾藥及既濟丹
此乃理積止瀉夏月暴瀉由其臟寒虛滑利泄速與契聖
丹如滑不禁進端腸散次與契聖既濟丹若洞利其瀉

不常發作駭人速與殢腸未了次與木附湯稍與遲緩
其候必更療瀉之理豈可相待 夫自汗不利者由血
不榮虛於表也自利無汗者由氣不衛虛於裏也其或
有自利亦自汗者榮衛皆虛也凡為人止藉血榮氣衛
扶育身體血既不榮氣又不衛裏外不相忝上下不升
降關竅不開通經絡不調適榮衛不循環臟腑不充實
則醫工何以良餌性命何以保持夫水穀不分自利腸
胃怯弱自利臟腑不和冷熱相制自利陰陽不調自利

榮衛不順自利已上自利皆由氣虛得之初生小兒忽
爾自利者與順胃平調陰陽制其冷熱和其臟腑分其
水穀生其胃氣則內外充實何泄利有作宜以參苓白
朮散加以車前瞿麥薑棗同煎更量虛實加減錢氏論
篤病訣
安去黃承務子二歲病瀉衆醫止轉瀉十餘日其証便
青白乳物不消身涼加哽氣昏睡醫謂病困篤錢氏先
以益脾散三服補肺散三服三日身溫而不哽氣後以
白餅子微下之又與益脾散三服利止何以然利本脾
虛傷食初不與大下惜置十日實下虛脾氣弱引肺
亦虛補脾肺病退即身溫不哽氣是也有所傷食仍下
之也何不先下後補曰便青為下臟冷先下必太虛先
實脾肺下之則不虛脾更後補之也又云小兒傷於風

冷吐瀉醫謂脾虛以溫補之不已後用冷藥冷治之又
不已謂本傷風醫亂攻之因脾氣積虛內不能散外不
能解至十餘日解証多睡露睛身溫風在脾胃故大便
不聚而為瀉當去脾間風風退則痢止宣風散主之後
使君九補其胃然錢氏用宣風散去脾風使君九補胃
雖用有理其治未周錢氏治此病先以益黃散三服補
令脾胃氣實蓋宣風散用牽牛槓榔等痢藥先補脾後
宣風散去脾風後神實丹使君九治之此法多愈語人
曰錢氏經用宣風其理若何荅曰失多矣余所以先用
益黃散者譬曰彭祖觀井自繫大木仍以車輪覆其上
然後敢觀之為防其虛而無失也趙不羣鈴轄女四
歲七月中瀉食物不化水穀不分多渴少食進退四十
餘日召醫或作食或作水瀉疳瀉或用五苓散紫丸子
六神九益黃散并雜藥攻之無效在後見聞食名揄口
哭而噦時時煩召余視曰渴飲過多脾胃受濕則水穀
不分兼畏食而物不化是脾虛中有積主人曰何知也

荅曰素問云脾胃受濕則水穀不分孫氏曰脾虛者畏食進退者有積又問曰何治也荅曰益黃散紫九子二藥可主笑曰服多矣荅曰譬如聚千夫舉重不如得一烏獲挾萬矢以妄射不如得一逢蒙大抵藥不得其當雖多亦奚以為蓋前醫用藥不知次序連序服不知多少補瀉不知輕重所以無效今用益黃散補一日六服進三日即微食與紫九子瀉三五次再益黃散補一日六服連進三日喜食瀉止尚有渴以參朮散十日安主人問曰久瀉之病何再瀉也荅曰經云邪之所湊其氣必虛補其虛而後其病除也今病因食積留滯先補次除所畜之物然後再補之主人曰善國學劉傑秘校子年四歲六月中瀉泄米穀不化數醫止轉月餘不退召余視之見兒食田雞肉少頃所食肉即從大便中經過遂問莫先食肉否曰近日食物不化并藥丸隨大便中出余曰食廩不藏是門戶不守也得守者生失者死此子脾虛之甚余自歷醫未嘗見有經過之食乃失守

之病也宜用附子主人曰莫太燥余曰江河欲竭引別
派以還流燈燭將殘假他油而再燭此益陰之至極須
當以陽藥急救之主人聽用余用附子皂心土訶子為
丸朱湯下一日六服連進三日即大使漸疎食尚未化
與朮附膏煎冷一日四服病退一半與益黃散頓服一
日冷進六服進三日糞稠而朱穀化後參朮散六神丸
前後共治十日安愈主人曰皂心土何意也余曰治病
之法須揣本以尋末沂流而討源其所由益脾屬土益
土附子訶子接助脾氣問曰藥何冷服曰冷服熱不炎
上治法出何書余曰若執古法守株待兔也林友編
修孫男三歲六月中瀉利不止視之見瀉糞酸臭如片
不化又有黃水小便赤少知傷熱乳也當斷乳一日服
千金九五苓散即效林惜不肯斷乳服藥三日病增欲
以感應丸下益黃散補助林不信自將白朮散金粟服
三日不效又易一醫以火煨龍骨赤石脂炮木香訶子
服三日瀉甚召余曰理當下食斷乳即安今病虛耗亦

當斷乳非附子不能起生林大不信至長揖而退至三更驚疼氣急唇口手足俱冷煩渴大瀉乃急召余曰病已後時素問曰夫病以成而後藥之亂已成而後治之譬猶渴而掘井闕而借兵不亦晚乎林漸請試救之余曰還舞為戲則宮室皆動何不止其舞則宮室自定傷乳吐瀉則精神昏憤何不止其乳則吐瀉自止巢氏云小兒霍亂須暫斷乳今當斷乳三日頻與稀粥隨証服附子林從以附子末半錢薑棗煎水中頓冷服半盞至四更又進二服病少減五更與神室丹二服退七分來日依前一服相間神室丹後參朮散千金九三日病除時與少姝調理五日全安林問曰純陽小兒何敢用附子余答云譬賊害良民兵刃不可不用病勢既成毒藥不可不投蓋攻其外邪客氣烏能傷其本哉陳氏二子大者五歲腹疼陣陣嘔吐酸臭次者三歲食物不化瀉糞酸臭召余視之並用紫九子下之並黃散補之主

人曰受病不同何用藥同答曰大者腸疼吐酸因食傷

也宜下之孫氏云腹內疼成陣來時嘔吐酸如因傷食
得瀉補自然安小者泄瀉酸臭亦傷食也法當溫之虛
秘方云食瀉重當瀉脾虛用補虛再傷宜再取何患病
難除二子瀉補俱安凡有積聚當下即下凡有虛損當
補即補隨其虛實而用也仁存孫氏曰吐瀉纔生便
惡心乾吐霍亂汗相侵舌出唇緋雙眼閉搖頭髮直一
如針心悶氣粗而脇動口生白沫命難存來生此候須早
理有瘡脾閉命沉沉錢氏論云小兒初生三日內吐
瀉壯熱不思乳食大便不消或白色當下之是傷食
也後和胃下用白餅子和胃用益黃散主人又云小
兒初生三日已上至十日吐瀉身溫涼不思飲食大
便青白色乳食不消此上實下虛也若更兼見肺証
主睡露睛喘氣心主驚悸飲水脾主困倦多睡肝主呵
欠頓心腎主不語畏明當瀉兒黃藏補脾益黃散主之
此上証多病於秋夏也又云秋夏吐瀉五月二十五日
已後吐瀉身壯熱此熱也小兒臟腑十分中九分熱也

或因傷熱乳食吐乳不止瀉深黃色玉露散主之六月十五日以後瀉身溫似熱臟腑六分熱四分冷也嘔吐冷熱不消瀉黃白色似渴或食乳或不食乳前少服益黃散食後多服玉露散七月七日以後吐瀉身溫涼三分熱七分冷也不消乳多似睡悶多哽氣長出氣睡露睛唇白多噦欲大便秘不渴食前多服益黃散食後少服玉露散八月十五日以後吐瀉只冷無陽也不能食乳乾噦瀉青褐水當補脾益黃散主之不可下也又云吐瀉爭工廣親北宅四大王宮五太尉病吐瀉不止朱穀不化衆醫用補藥薑汁調服六月中服溫藥一日而加喘吐不定錢曰當以涼藥治之所以然者謂傷熱在內也用石膏湯三服并服之衆醫皆曰吐瀉多而朱穀不化當補脾何以用涼藥王信衆醫又用丁香散二服前後至日不可服此三日內必服滿身熱飲水吐逆如所言所以然者言六月熱甚伏入腹中而今引飲熱傷脾胃即大吐瀉也醫又行溫藥即上焦亦熱故喘而飲三

日當死衆醫不能治復召錢至宮中見有熱証次白虎湯三服更以白餅子下之一日減藥二分二日三日又與白虎湯各二服四日用石膏湯一服旋合麥門冬黃芩腦子牛黃天竺黃茯苓以朱砂為衣與五九竹葉湯化下熱退而安云馮承務子五歲吐瀉壯熱不思食錢氏曰目中黑睛少而白睛多面色眇白此子必多病面色眇白神甚也黑睛翳也睛屬水本怯虛而故多病也縱長成必飢膏不壯不奈寒暑易入脾胃亦更怯虛不可縱酒慾若不保養不過壯年面上常無精神光澤者如婦人之失血也今吐痢不食壯熱者傷食也不可下下之虛入肺則嗽入心則驚入脾則瀉入腎則益虛比但以消積丸磨之為微有食也如傷食甚則下不下則成癖也實在山乃可下之下畢補脾必愈若隨其虛實無不效者人云廣親宮七太尉七歲病吐瀉是時七月其証全不食而昏睡睡覺而問亂哽氣乾嘔大便或有或無不渴衆醫作驚治疑故睡也錢曰先補脾後退熱

與使君子丸補脾石膏湯退熱次日又以水銀錢硫黃
二物末之生薑水調下一字錢曰凡吐瀉五月內九分
下而一分補八月內十分補而無一分下此是脾瀉也
醫妄治之至於虛損下之即死當只補脾若使君子丸
即緩錢又用溫胃益脾藥止之醫者李生曰何食而呃
錢曰脾虛而不能食津少即欬逆曰何瀉青褐水曰腸
胃至虛冷極故也錢至而愈又凡小兒吐瀉當溫補之
余每用理中丸以溫其中以五苓散導其逆連與數服
兼以異功散等溫藥調理之往往便愈若以虛損當速
生其胃氣宜附子理中丸并金液丹研末煎生薑米飲
調灌之惟多乃效胃氣已生手足漸煖陰退陽回然猶
癰癥即減金液丹一二分增青州白丸子壹二分同研
加上服以意詳之漸減金液丹加白丸子兼用異功散
羌活膏溫白丸鉤藤飲子之類調理至安仍頻與躬雖
至危亦於死中救生十得八九 儒門事親書云小兒
身熱吐瀉腹滿不進飲食可急與牛黃通膈丸過四五

行則自愈矣。蓋乳食便屬水甚則成濕。以治濕法治之用燥藥非也。又水瀉不止可用五苓散。益元散各停用。新水調下二三錢。頻服不拘時。若暴速注下甚者。屬火涼膈通聖亦可治之。用者勿輕非深於造化者。未易語此。又久瀉不止。至八九月間。變為秋深冷痢泄瀉者。清白時撮痛乳癖不化。可用養脾丸。如黍米大。每服二三十丸。欲飲米下三日愈。益黃散亦可。湯氏云。小兒熱瀉者。大便秘黃而赤。或有沫。乃臟中有熱積。成因產母飲酒多。或生下傷溫。蘊熱醫者不明。但用訶子。豆蔻等藥。如水洗石。既不識証。故不辨冷熱。用藥又不得法。所謂讀方三年而恨無病可治。及至治病三年無方可用。信乎紙上之語不可全憑。一則悟得其理。二則求師指迷。三則聞見頗多。如此方有通透之理。不燕咫尺千里也。雖有治法妙方。而不能別其寒溫虛實。又安得其理哉。宜服黃連等藥。小駐車丸亦可服之。又冷瀉者。乃脾虛受冷。至今水穀不化。泄瀉注下。若依錢氏當以益黃散主。